

漢陰縣志

12847

重修漢陰志叙

余甲子春受古金州之漢陰皇輿
記云土瘠民貧為最下下區噫昔
人云沃土之人不材獨奈何以不
材如我而蒞此瘠地耶雖然親民
之任莫切於令長導

漢陰縣志 序

朝廷之澤以被於下求黎庶之瘼以聞
於朝私謂莫爾山城而繭絲保障
之界寧不凜然於是東裝就道踰
固關渡滹沱經華岳歷終南之險
履雲棧之危沐風櫛雨加以長途
霑雨馬蹄蹙蹙意思頓覺無聊比

31779
31771

入境荒涼萬狀更甚於所聞因自
念百里生民之寄敢作秦越人視
哉由是夙夜焦勞廣諮利弊三載
以來民困漸蘇民力漸舒起廢補
墜已次第舉行嗟嗟吏治至今
亦云極難矣特有

各憲皆實以聖賢之心行聖賢之政
正已率下時時以忠君愛民之道
慇懃誥誡鵠面災黎余得藉以培
養不可謂非遭逢之幸也今我

皇上審四方之俗觀疆土之宜纂修一
統全志目亟欽承爲事稽諸原志

自故明崇禎壬午臨城張君重修
距今已四十餘載舊籍散失原板
毀燼人事之代謝戶口之凋殘不
知凡幾昔之人文全盛士大夫宣
猷植節爲銓衡重地者有人伐鼓
建幟爲藝壇雅望者有人邇且奚

若昔之俗尙樸實物阜民安浸且
逆變流離併戶併甲百不存一誠
爲關南極苦之地近沐

皇仁曾育蠲荒免課屢邀曠典顧異量
恩波又豈數數覲耶是以寥寥子
遺稍有起色在昔孔子歎杞宋之

無徵而曰吾志在春秋志固已事
之書實未事之鑑媿余才暗識踈
操刀學割修廢之事實爲殷然所
恃邑之紳若衿廣諮博採群聚增
修積有百日新志於焉告成嗚呼
志書僅簡帙耳使敷政無人不其
起者之功臣也是爲序

開卷躍然掩卷凄然目此書爲夢
境哉雖然按圖索驥不可謂非後
康熙丁卯年壬子月上浣日文林郎
知漢陰縣事三韓趙世震鼓萬
氏撰

世
世

世
世

漢陰縣志

序

五

序

往丙辰夏余橐筆行間隨圖公四征不
庭次第平復關南悉成寧宇公曰念予
書記微勞授予漢陰一邑甫蒞佳時偶
見學宮鞠爲茂草衙舍頽然數闢而
日乏主若民始不可閤曩時之盛與
赤無從考詢舊志則板悉燼牘悉
燼

漢陰縣志

序

六

今茲主者方無心措措而修輯何遠及
此其間或以蕪華苑賦以讀禮歸城以
代庖數月而去其亦得爲之計久遠也
寧惟一志及甲子二元之始

趙公出宰是邑而士民間輟輟

公世以清白傳家必有大襟此邑也而
予且以爲可必而不可必必觀其

後而始可知也。比下車初而合境士民相望而愈喜，皆以公英邁明敏，洵大有禪於此邑也。而余又以爲不可必而可必，亦必候其歷久而始無疑也。迄今三載有餘，美政多端，百廢俱興，清操不渝，猶如一日。余知公之始終可喜矣。夫復何疑？卽如余忝司鐸學宮，則喜其

煥然聿新，衙舍則喜其肅然宏敞，而子衿則喜其翕然冰化。由此推之，公之次第修葺爲斯邑計，久遠者寧惟一志而志其政成餘事也。閭今日之志，山若爲之增高，川若爲之增秀，物阜民安而風俗若爲之增美，余八載寒毡不能越駭而頌，第就余之被澤於芹宮者如此。

儒學訓導朝那白爾珍毓生氏撰



漢陰縣志

序

八

初修漢陰縣志序

邑有志猶家有譜也志爲一邑之典籍
譜爲一家之典籍家無譜則上而祖禰
遠而高曾俱無所考其潛德幽光流風
遺韻子姓雲初何由而知家且然而况
於國乎漢陰爲邑江漢效靈鳳山呈秀
毓爲人物可考而知者如古之丈人抱

德弗耀而高出世表者固衆第以典籍
不存而名實泯於後者亦多矣至今江
山如昨風氣日開而又當我朝文明之
運教化薰蒸之乂岩穴衡茅之間宜其
賢才挺生偉人迭出何寥寥百年中竟
乏人何歟昔子謂子賤君子哉若人魯
無君子者斯焉取斯詩曰高山仰止景

行行止子曰夏禮吾能言之杞不足徵也又曰文獻不足故也足則吾能徵之矣是知人才之興盛故在山川鍾秀氣運隆盛使文獻不存則後人何以挹幽香企遺躅而興起百世之下乎文獻不存爲風化之所關係者豈細故哉曰器心采輯博訪有年以今日可知可考者

編輯成志用備一邑之典籍其用心亦大矣漢陰古邑也山川如彼其高深歷世如彼其久遠矧時際熙洽而氣運隆矣邑志旣成而典籍備矣爲今之人莫不感動奮發興起善端由友一鄉一國天下之善士而又尚友古人思齊往誓將見忠臣烈士孝子順孫義夫節婦達

事業於當時播聲光於後世皆願收名
是志者始不絕書矣然則是志之成有
裨於風化多矣較之家有譜而有所法
於後不亦重且大乎

成化庚子知漢陰縣事益州張大綸撰

重修漢陰志叙

余不穀奉簡書守漢以南竊儀茲土
虞風未暨召澤未編搢搢迂叟猶有抱
甕而愁蔽芾之殘蔭也者庶得藉手以
報命暨閱許守興乘再閱張令漢聚
因嘆四塞西南與屬腹心漢屬枝幹靡
王幹不張乎幹萎腹不憊乎調俞附之

方疑厄羸醒迷鄰豈異人任且漢治邇
蜀楚年來陽侯作崇荏苒肆螫赤子方
嗷嗷待哺而催檄旁午復業未黔突而
箕斂盈間勦撫未成算而搖鋒者巧肆
雌黃卽龔黃卓魯能鳴琴理解繩治閉
閣撤垣以示無他耶張令邑志之新微
徒補闕漏訂魚豕踵南史勒一家言其

有苦心乎冀當輔者憐爾子遺原爾拙
政以庶幾晉陽之保障乎余卒業欣然
曰嗟爾令余何以益爾念生平得力惟
拙之一字拙之盟裏自畫粥已然故拙
宰河東晉民孚拙守版曹同朝和拙
督會計軍民戢今仍以拙仗節撫關南
與二三守令從事倘亦諒余拙乎拙者

巧之反也當今之所迂而平旦之所安
神明之所許也張令勉旃以爾拙補守
之拙守令效余拙補余之拙利鈍譽讐
一切不問惟斬上不負國下不負民
中不負所學而成就天地間一大拙關
南其有濟淳古或可挽哉是義也余志
也壽曄之所不及載郡邑之所不及修

者嗟爾令余曷以益爾
進士第撫治漢興兼管糧餉驛傳分守
關南道汝陽吳愈撰

重修漢陰志叙

余於乙亥年佐淮陽郡丁丑九月署
西華接邸報叨轉漢陰令戊寅春束裝
就道親友有謂余者傳聞邑已殘破此
行亦何迫耶余曰臣子縮半通綸東西
南北惟所使之况授以百里地值多故
之時畏此簡書乃決意叱馭歷太行之

峻坂濟黃河之洪濤經華岳之名山越
終南之險境羊腸鳥道百折千迴舍陸
登舟備嘗艱阻乃抵關南及蒞任環城
四望公署民房較舊日基址僅存十分
之一瓦礫蓬蒿痛心慘目士民寓山
者驚魂未復屢足難前及與銓部王公
晤談時卽以耐煩二字相勸慰會未幾

十日忽報寇從西來余誓以必守王公
復勸慰曰城中無人民城頭無墻堞旣
無倉庫錢糧之累又無火藥器械之儲
且重此銅章爲國惜身識圖恢復未晚
也強拉余赴山砦中約住月餘以七月
初九日入城亟築內城砌雉堞立四城
樓闌東西二門招集士民各葺舊業今

歷任五年凡創建學宮神祠公署衙門
增城濬池之役皆次第舉居民房舍亦
次第修氣象且一新矣先是詢問志書
焚燬庚辰秋方得之興安劉上舍家屢
欲修刻其如兵荒游至日不暇給何壬
午春謀之紳士倣舊志而刪潤之徵文
徵獻猶有存者余實幸焉至於恢復苦

裏心血皆枯鬚髮爲白勞怨固所不避
升沉又何足言惟有日夜兢業保固封
疆懽恤士民愈加奮勉上以答朝廷守
土之責下以抒生平效職之忱庶乎遂
叱馭初心入城弘願云爾耐煩二字始
之終之比於韋弦每竊嘆曰此王公之
所以謂余矣

崇禎壬午知漢陰縣事趙人張鵬鞞書

漢陰縣志目錄

知縣三韓趙世震重脩

邑貢生汪澤廷纂輯

邑貢生常永耀

曾大成

尹任

于典

王鳳朝全校

邑庠生溫上春

鄭僑恭

劉參

馬掄英

梁道倬全訂

漢陰縣志目錄

輿地 卷一

星野 疆域形勝附 沿革 山川 水利

泉洞池園附 古蹟 風俗

建置 卷二

城池 公署縣治附 學校 祠祀 村落附

寺觀

田賦 卷三

田土學先附 戶口 賦役驛站附 稅課 武備

漢陰縣志 目錄

災祥 物產

官師 卷四

官師 名宦

人物 卷五

鄉賢 科目 貢監武附 孝義 節烈 仙釋

藝文 卷六

詩類 文類

星野圖

朝首秦分

思

積蔬

積水

北河

丑護候

河南

丘

井

積氣

天狗

水注

天樽

四瀆

女廚

天社

弧矢

天

子

野雞

漢陰縣志

興安州界

東路圖




西路圖




漢陰縣志

南路圖



漢陰縣志



漢陰縣志卷之一

輿地

建置郡縣後分土分民歷代沿革不常河山流峙如昨仰瞻星緯俯奠民居列圖以識槩採說以盡微作輿地以備考焉

星野考春秋元命苞曰東井鬼宿分焉秦史記天官書曰東井與鬼雍州之分前漢地理志曰自井十度至柳三度鶉首之次乃秦之分與後漢律曆志同費直分井十二度至柳五度蔡邕分井十度至

漢陰縣志

卷之一

十四

柳三度謂之鶉首秦之分野屬雍州晉天文志曰自井二十七度至鬼柳鶉火之次秦之分野唐志曰東井與鬼鶉首也歷觀紀載井鬼之分當無疑矣占驗井明太盛多風雨主水井正而明法度正號令明月出東井主雨太白出東井主兵歲星守東井主兵

疆域形勝

午龍岡北枕鳳嶺南屏一水抱環五星端

拱而八景列焉廣一百一十里袤四百二十里東

抵興安界六十里西抵石泉界四十五里南抵紫陽

縣界八十里北抵長安界一百二十里東抵顯安

縣界八十里北抵長安界一百二十里東抵顯安

界一百五十里西南抵西鄉界二百里當驛路之衝

東達鄖襄西通巴蜀不但本省差遣浩繁一因烽火塘撥往來苦累更有不忍言者是在司牧者思患而預防之

沿革禹貢荆雍之交秦楚接境周為庸國地春秋戰

國皆屬楚秦屬漢中郡漢為安陽屬漢中晉為寧都

縣隋書註曰舊為寧都齊置安康縣屬魏興郡後魏置

東梁州後蕭管改直州南齊屬安康郡隋開皇初

郡廢大業初州廢改縣安康屬西城郡唐武德元

漢陰縣志 卷之一 十五

年以縣置西安州並置寧都廣德二年改宣州貞

觀元年州廢屬金州今之興安是也至德二年改

為漢陰縣宋因之紹興初徙治新店元改設巡檢

司至正二年復為縣明洪武三年仍為漢陰縣先

屬漢中府金州嘉靖四十年巡茶梁公奏改縣經

隸於府萬曆二十三年復改屬興安歷代沿革不

同縣治亦不一舊治在今石泉漢江之南以社溪院

為朝賀地宋皇祐四年沒於漢水邑令甄公劉公相

繼築之紹興初徙治新店即今治是也今仍舊治

真武宮在龍岡首牛山廟在西門外水府廟在月河東岸觀音

堂在西關白衣庵在月河南岸三官殿在西關外東嶽廟在東

外城觀音殿在南城外藥王殿在東五里聖母殿在西五里

漢昭烈廟在縣西十五里青山寺在西十五里重雲寺在西北十五里

廻龍寺在東南六里三官殿在東八里菩薩殿在東十里棲雲寺

在東南十五里勝水寺在東南十五里吉祥寺在東六里塵寺在鳳凰山頂鳳凰寺在百一里靈寶寺在百一里依心

寺在百一里靈山寺在百一里金華寺在百一里蓮花寺

在百一里石馬寺在百一里石佛寺在百一里三清觀

漢陰縣志 卷之二 寺六

在東四十里乘鶴觀在東南三十里老君觀即三聖在南六十里

鄂都殿在縣東北十里

令袁公禁耕李公復立碑於北門下

雲門山 在縣東二十里兩峯並峙 分水嶺 在縣西

若門天將雨山巔有雲 魚洞嶺 在縣西 北九十里

馬蝗山 在縣西 龍會嶺 在縣西北七十里 天生橋

在縣北五里路 六面山 在縣北尖山 在縣北

通徑如橋梁然 瘦驢嶺 在縣北

雞公嘴 在縣北六十里

箭幹山 在縣北 川漢江 在鳳凰山南九十里 月河 在縣西四十里發源

里即禹貢沔水 盧峪溝 在縣東鐵溪溝 在縣東龍王溝 在縣東南

漢陰縣志 卷之一 三

蒲溪河 在縣東南 花石河 在縣東南 墩溪河 在縣西

在縣四十里 仙溪河 在縣西南 板峪河 在縣正 以上除漢水外

餘俱出鳳山北入月河

觀音河 在縣西北 沐浴河 在縣西北 青泥河 在縣正

鐘河 在縣正北 池龍溝 在縣東 添水河 在縣東北

田禾溝 在縣東北 雙乳河 在縣東北 以上發源北

山皆南入月河

沙河 在縣西北六十里出石大漲河 在縣南一百

水利月河堰 永豐堰 墩溪堰 仙溪堰 沐浴

堰 觀音堰 池龍堰 盧峪堰 藏溪堰

鳳亭堰 磨盤堰 蒲溪堰 花石堰 田水堰

雙乳堰 鐘河堰 大漲堰

泉洞甘泉 在城隍廟前前 神泉 在關王廟前前 涼水泉

在縣東六十里暑 一碗泉 在鳳凰山南穴子岩

黃龍洞 在縣南八十里黃龍洞 在縣北黑龍洞

在縣東北一百里二洞深遂 南陽洞 在蒲溪

玉皇洞 在紅崖 千佛洞 在高梁舖北 湘子洞 在蒲溪

池桑棗園 在縣東 鳳凰池 在鳳凰山頂

漢陰縣志 卷之一 天

天池 在漢 蓮花池 在縣東雲門舖

百蹟漢王城 在鳳凰山南漢水北岸週圍三里許漢高

城墻嶺 在漢江南五十 捕鼓臺 在縣南八十里

煉丹崖 在捕鼓臺傍離縣八 灌臺 在城東北角

子貢停車之地 大懸岩 在城東南十三里高

風俗民皆朴實節儉勤於農不作尚賈衣服布素

字嘔雪翁婦非禮不見伯氏於弟婦雖禮問不通

形如平率皆以字冠以二十為

夫蓬家禮

七期百日三週俱舉奠盡哀

元旦五更新潔衣冠拜天地祖先焚香楮子孫輩
以次拜賀然後親識遞相酬拜

元宵家戶張燈火放花炮扮儺相角簫鼓滿城名
曰開元宵各送燈於祖先墓前

十六日長幼步郊尋野謂之遊百病

清明日設牲醴詣墳祭奠添土掛紙名曰拜掃
端午日晨起採艾懸門畢置雄黃酒彼此邀飲

六月六日五更滌甕取水以造麴合醬至午晒衣

七月七夕婦女設牛郎織女香案具祭品禮拜名
曰乞巧

中元日人設酒餼祭奠祖先 中秋夜置菓餅邀
飲名曰賞月

重陽日蒸糕餽遺登高飲酒 十月朔暮祭祖先
焚紙於門外名曰送寒衣 冬至日士大夫朝賀
畢謁官師彼此相拜民間不行 臘八日以米合
肉煮粥相餽 二十四日祭竈除日貼門神桃符
設天地祖先位陳列祭品焚香燒紙畢士大夫家

獨行辭歲禮置酒餽家人享之夜半不寐謂之守
歲要之五方風氣不同各有懿則大抵承平之日
四民稠密五穀豐登所謂國奢尤宜示之以儉自
荒殘以來民無完宇節省多端至根本之地反涉
偷薄導而協之於中以永善俗是在司教者與鄉
賢達之責也

漢陰縣志卷之二

建置

國家建郡邑分土分民倣周官之遺爲藩屏之計故衛以城池列以房舍聚以士農商賈保障一方惟賢有司是賴但值兵燹之後興廢維艱加意緝繆其相繼守土者之任哉

城池成化元年典史徐鐸始築牆建門東西三百八十步南北一百五十步二十三年知縣張大綸始置四門樓弘治九年知縣唐希介拓其地周圍四

漢陰縣志

卷之二

三

里正德七年知縣丁珣築高二丈厚一丈八尺砌以磚石嘉靖十四年知縣李時秀題其門東曰迎暉西曰承恩南曰南薰北曰拱宸池濶一丈深半之萬曆十二年知縣袁一翰重修萬曆四十六年知縣張啓蒙拓開馬道豎立橋梁崇禎十四年知縣張鵬鞞較舊治增高濬深堪以保障又培築裏城六百四十餘丈下栽柳樹一千二百餘株又重建四門樓各三間守城窩房五十間土築外城四圍共六百四十丈東西復築羅城暨柵欄門題曰

重關保障又建東北角樓一間西北角樓一間可
備禦敵因歷年久俱崩頽毀爛西南水衝一角康
熙二十五年知縣趙世震捐資脩築磚城俱竣

公署縣治正堂三間 二堂三間 後堂三間知縣

趙世震改修大門三間趙世震改修二門三間 庫

房二間 賓館三間廢土地祠一間 吏書房

十八間 倉房五間廢糧房二間廢典史宅三間

贊政廳三間

察院在縣治西南正堂三間 後堂三間 關南

道署地在察院西槐棘館地在察院東陰陽醫學地在縣西僧會

司 旌善亭申明亭地在縣大門外總舖地在縣東養濟院地在

東城外教場西關外

學校儒學在文廟東洪武五年訓導鄭守方創建永樂五

年教諭梁萼重修堂三間成化三年西鄉縣典史

柴嵩創建兩齋東曰博文西曰約禮各三間萬曆

十二年知縣袁一翰創建儀門一間角門二間二

十七年知縣周之光重修明倫堂舊在文廟後兩齋東

拓為十間崇禎十年流寇屠焚止留明倫堂五間

國朝順治五年知縣楊六德移明倫堂於文廟東至

康熙二十六年朽爛將傾知縣趙世震重修

祠祀

文廟在儒學西成化十年知縣劉明創建弘治年知縣張

大綸增修嘉靖年巡茶公盛汝謙發茶法銀重修

萬曆年知縣袁一翰重修正殿兩廡戟門外鑿泮

池建石橋三洞崇禎年被賊焚毀止留 文廟戟

門櫺星門十二年知縣張鵬翽重建兩廡六間 廢

並十哲神龕順治五年楊六德改修正殿棖桷稍

漢陰縣志 卷之二

易規模反不如昔年久風雨將不蔽焉康熙二十

六年知縣趙世震捐修棟宇補葺宮墻廟貌煥然

聿新矣又奉

勅頒

御製聖讚曰萬世師表懸大牌於額其崇文重道之

盛典乎 啟聖祠舊在文廟東後移文廟後名宦祠在戟門左鄉賢

祠在戟門右省牲房 更衣亭

文昌宮萬曆年知縣張啓蒙改建於學宮前魁星樓在南城北對文昌宮廢

敬一亭在舊明倫堂後廢尊經閣在敬一亭後廢原公祠大司馬原公傑

也公山西陽城人撫治鄖陽招集流民後成化十五年知縣駱聰叔建祠于東門外春秋上戊祭今祠廢祭存

城隍廟在縣治東成化年徐鐸創建後焚張鵬翱復建關帝廟在縣治東永樂年知

縣王凱建萬曆年加封帝號知八蜡廟萬曆年張啓蒙

縣張啓蒙張鵬翱相繼增脩建春秋上社稷壇在縣西門外春秋上戊祭山川壇在縣城東隅春

秋上邑厲壇在縣北門外三月清明鄉厲壇二

一在縣東三十五里漏澤園二一在縣東二里

崇禎十四年知縣張鵬翱發價三十兩買地十五處為窮民塋所坐落不一各立石地傍以垂永久

冉家墳曾三論地石園子惠自貢地螞蝗灘常永壽地木子河武憲地

漢陰縣志 卷之二

漩窩藍芝地春樹塢賀應登地平溪溝牟備地漢陽坪潘起蛟地

黃家坪黃允極地丫角漩吳樟地鐘家店吳迺之地漂草溝李時

連小觀子曾士仰地虎溪河李光斗地下冉家壩徐登選陳

村落里則舊轄八里曰在廊梁門大澤興仁鳳亭漢

東漢西龍泉永樂中消耗減為在廊一里景泰三

年增新安為二里成化十二年都御史原公傑招

補共十里弘治五年增歸厚一里為十一里十五

年增鳳凰里為十二里正德七年仍減為十里嘉

靖元年又減為七里在廊新安新樂懷寧安仁廣

惠長泰萬曆十年減廣惠里復為六里崇禎十二年又減安仁長泰止四里今仍舊

舖則雲門舖在縣東二十里澗池舖三十里蒲溪舖四十里雙乳舖六十里平梁舖在縣西十五里高粱舖二十五里石峪舖四十里

梨園河四十里峽峪河在縣南二十里堰坪七十里漢陽二百二十里

豬頭山一百五十里觀音河在縣北四十里青泥河五十里橋路

溝六十里

堡二處一在縣東雙乳一在縣西分水嶺煙墩二十五處正德六年總督彭公

命於山之高阜處立墩舉火以防不虞

漢陰縣志 卷之二

三

岩則水豐岩在縣南七里雙峯岩在縣東南十三里鐵溪岩在縣東南

十五里興隆岩在縣東南二十五里汪家岩在縣東南四十里磐石

岩在縣東有五十里高粱岩在縣西南三十里觀音岩在縣西北十里

孤山岩在縣北三十里柳林岩在縣西北二十里鐘河岩在縣西北五十里

鷄公嘴岩在縣北六十里王家岩在縣西北七十里

寺觀龍興寺在城內東北隅恭遇

萬壽聖節官員於此中習儀按寺舊在東北龍岡下漢高王漢中時建焉鑄鐘一口重近萬斤每擊手

聲聞卒里有栢一株高百餘尺大四圍邑庠蔡鳳題云誰云材大難為用隆棟終教佐廟廊後

果為明世宗採用

八景

鳳山叠翠

在縣南若列屏然古木叢森峯巒秀拔
四時望之如青螺髻東西錦巨二百餘
里宛然有鳳
翔千仞之勢

月水環珠

在縣南環繞縣城形如半
月堪與家簾為玉帶云

卧龍盤護

在縣北長巖三里許形如半
月旋繞有情圭山之最佳者

古洞朝陽

在卧龍首後長巖崖下向東有數洞焉
峭壁丹色什數修無能登者自初陽紅
霞滿天故看日朝陽嘉靖年僧人明喜始鑿石
級請開洞望微雨或茅樓洞泉清泉自崖流出名
曰洗心泉有人謂
題真天然佳景也

義臺朝陽

在縣南八十里峯巒群出四方如削
倚蒼巖枕禪師入定處曰總陽遊此
漢陰縣志卷之二

詩載前錄
全唐詩話

鶴觀棋枰

在上樓雲寺之西二里許去棋盤臺三
十里相傳曰純陽祖黃龍散禪師圖基
於此局完各乘鶴飛去遊道者看
棋梓一丘後人遂題曰奕觀

乳峯雙峙

在縣南六十里兩峯巖巖形如雙乳真
天造地設橫絕兩峯表態二一秀勝樂故乘
軒過此者多
晉題於此

丹壁孤懸

在縣南三十里者石壁直道側色
如赤丹昔來繼繼為先生張等時流
於此手書丹崖三字刻於石曰
珍與之遊因以爲壁壁至今猶之

山鳳凰山

在縣南三十五里山頂有鳳凰
三百餘里中有峯巒數百名焉

卧龍崗

在縣北蜿蜒如龍萬曆初年
惟有青形勝且植橡而於泥壘築城壕前

漢陰縣志卷之三

田賦

書曰咸則三壤成賦中邦所以辨土之肥瘠而輕重賦之也漢陰南北兩山俱屬亂石陡坡全無平土旱則易乾澇則易崩自古及今不見有全熟時原不可丈以畝計而以種計之也卽當日冊報時概以頃畝名者亦約畧云爾況荒殘之後數十里中總無人煙虎蹄狼跡交於蒲山鹿徑豕窩通於深谷此邑所以多荒賦也上下七舖亦間有沃壤

漢陰縣志

卷之三

三

大半又屬軍屯賦稅另有款項昔統於所今歸於縣而民屯兩項並列於書總之邑易以受病者舟車不通豐則賤而無所去歉則貴而無所來是以貢賦多有不給輕重緩急之間持籌者宜加意焉

田土原額

平地山坡
沙石不等

共概折壹等地壹百叁拾伍頃

肆拾柒畝叁分陸釐柒毫伍絲捌忽壹微陸纖陸

塵貳渺

每畝科糧陸升壹合叁勺
玖抄伍撮壹圭伍粟貳粒

康熙二十三年奉

旨豁免殺擄逃亡無主折正壹等荒地陸拾陸頃玖拾

叁畝叁分陸釐貳毫肆絲是年隨報新墾折正壹

湖壹拾壹丈伍尺

貳處共糧伍斗伍升捌合

巡道余公自強萬曆時置田壹處雲門舖伍家巖田

壹拾柒畝原糧伍斗壹升其田荒熟畝數與糧賦徵除銀數俱在民地民糧內笑

按學田之設匪徒周貧原欲養育人才為異日用若漫無稽查是為他人置恒產耳是在所司者善為招佃稽查收支庶不負前人作養士顛之笑意云

屯田地明屬軍所今併屬縣其原額陸拾陸頃捌分玖

毫內除荒併水衝地玖頃壹拾陸畝叁分叁釐玖

漢陰縣志

卷之三

三九

毫現熟地伍拾陸頃捌拾肆畝肆分柒釐

戶口原額戶捌百叁門玖則共折下下丁口捌千柒

百玖拾有貳每丁徵銀叁錢順治末捌兩年奉

旨豁免絕逃丁口柒千壹百叁拾陸再除優免丁口叁

百叁拾肆免銀壹百兩貳錢節次編審續增丁口壹千壹

拾肆至康熙拾肆年遭吳逆之變殺擄逃亾者又

近半矣貳拾叁年又奉

旨豁免絕逃丁口捌百壹拾陸是年新招回丁口捌拾

貳併貳拾伍年編審新入丁口肆又停免丁口壹

百參拾柒共現行差丁口壹千柒百肆拾叁

原額屯丁叁則柒拾柒丁康熙貳拾叁年編審入

丁口叁共捌拾丁內除優免丁貳免銀叁錢又除逃絕

丁壹拾捌丁免銀叁兩捌錢伍分現行差丁口陸拾丁

賦役徵於地者為糧原額捌百叁拾壹石壹斗陸升

貳合肆抄陸撮捌圭陸粟柒粒舊例每石徵銀貳兩壹錢肆分伍釐

壹毫伍絲柒忽壹微壹纖新例每畝徵銀壹錢叁

分壹釐陸毫壹絲壹微伍纖壹塵叁渺貳漠又每

畝徵均徭銀壹錢伍分貳釐柒毫貳拾叁年奉

伍絲肆微玖纖貳塵捌渺伍漠

旨豁免前項無主荒絕地糧肆百壹拾石玖斗肆升是

年隨報新墾糧肆拾伍石貳斗叁合叁勺玖抄捌

撮貳圭柒粟肆粒又報貳拾年分墾過地糧壹斗

貳升伍圭捌粒外實荒糧叁百陸拾伍石陸斗壹

升陸合陸勺壹撮貳圭壹粟捌粒

現熟糧肆百陸拾伍石伍斗肆升伍合肆勺肆抄

伍撮柒圭貳粟壹粒

原額地畝銀壹千柒百捌拾貳兩玖錢柒分柒釐

叁毫伍絲伍忽伍微玖纖肆塵陸渺內奉

捌毫陸絲貳忽柒微捌纖叁塵肆渺貳次隨報新
舉銀玖拾柒兩貳錢貳分伍釐捌毫壹絲壹忽壹
微肆纖陸塵伍渺

現徵熟地貳銀其玖百玖拾捌兩陸錢柒分貳釐
叁毫叁忽玖微伍纖柒塵柒渺

原額均徭銀貳千陸拾玖兩叁錢柒分叁釐陸毫
貳絲貳忽捌微玖纖貳塵柒渺內奉

旨豁免前項荒絕銀壹千貳拾叁兩伍分玖釐叁毫柒
絲伍忽肆微陸纖貳次隨報新舉均徭銀壹百壹

漢陰縣志 卷之三

聖

拾貳兩捌錢叁分伍釐貳毫柒絲伍忽叁微肆塵
捌渺又停免均徭銀壹百壹拾伍兩伍分柒釐貳
毫壹絲伍忽壹微柒纖伍塵

現徵均徭銀其壹千貳百柒拾肆兩貳錢陸釐柒

毫叁絲柒忽玖微伍纖陸塵

內有停免均徭銀壹百壹拾伍兩伍分柒釐

零係丁銀頂補不在糧內科派遇閏總加銀壹百捌兩伍錢柒分玖釐叁毫貳絲玖忽捌塵肆漢

徵於民丁者為銀除優免丁外原額丁銀貳千伍百叁拾柒兩肆錢順治柒捌兩年奉

旨豁免逃絕丁銀貳千壹百肆拾兩捌錢康熙貳拾叁

年又奉

而免殺擄逃亡丁銀貳百肆拾肆兩捌錢是年隨報
招回丁銀貳拾肆兩陸錢又停免丁銀肆拾壹兩
壹錢並節次審編先後續增丁銀其該現徵丁銀
伍百貳拾貳兩玖錢

徵於屯地者爲糧原額伍百玖拾柒石叁升玖合
玖勺貳抄玖撮內除荒糧柒拾柒石伍斗陸升叁
合壹勺壹抄叁撮

現熟糧伍百壹拾玖石肆斗柒升陸合捌勺壹抄
漢陰縣志 卷之三 聖
陸撮內徵本色糧貳百伍拾捌石壹斗叁升伍合
叁勺壹抄玖撮每石折徵米伍斗其徵米壹百貳
拾玖石陸升柒合陸勺伍抄玖撮伍圭徵折色糧
貳百陸拾壹石叁斗肆升壹合肆勺玖抄柒撮每
石折徵銀伍錢伍分其徵銀壹百肆拾叁兩柒錢
叁分柒釐捌毫貳絲叁忽叁微伍纖

徵於屯丁者爲銀原額銀壹拾陸兩內除優免丁
銀叁錢又除逃亡丁銀叁兩捌錢伍分現行差丁
銀並貳拾叁年新入丁銀伍錢共丁銀壹拾貳兩

叁錢伍分

通計民屯實在丁口僉停免丁共壹千捌百叁丁
共徵丁銀伍百叁拾伍兩貳錢伍分

通計民屯實在熟地壹百叁拾貳頃柒拾陸畝陸
分肆釐玖毫陸絲伍微陸纖陸塵貳渺其實徵額
內地畝均徭折色叁項共銀貳千肆百壹拾陸兩
陸錢壹分陸釐捌毫陸絲伍忽貳微陸纖叁塵柒
渺

額外照糧分派祿米原數共壹百柒拾肆石捌斗

漢陰縣志

卷之三

望平

貳升捌合柒勺貳抄肆撮伍圭柒粟陸粒內康熙
貳拾叁年奉

旨豁免荒絕無徵米捌拾陸石肆斗叁升柒合肆勺陸

抄捌撮捌圭玖粟玖粒是年貳次隨報新墾糧徵

米玖石伍斗叁升叁合叁勺陸抄壹撮陸圭伍粟

肆粒現徵運米玖拾柒石玖斗貳升肆合陸勺壹

抄柒撮叁圭叁粟壹粒

此項增自明末供運漢中瑞籬沿為長例

起運民丁糧實徵銀壹千貳百肆拾陸兩柒分捌

釐陸毫柒絲貳忽陸纖肆塵

起運屯丁糧實徵銀壹百伍拾陸兩捌分柒釐毫
毫貳絲叁忽叁微伍纖

存留民糧實徵銀壹千伍百肆拾玖兩柒錢叁毫

陸絲玖忽捌微肆纖玖塵柒渺

以給本縣站支經費雜支等項

驛站原額驛馬肆拾匹每年共支銀壹千叁拾捌兩玖錢柒分叁釐叁毫叁絲叁忽叁微叁纖叁塵叁渺內貳次奉裁馬壹拾陸匹又奉

題免荒銀外現存馬貳拾肆匹草料銀叁百陸拾

陸兩外又修補等銀陸兩貳錢貳釐柒毫伍忽叁

漢陰縣志 卷之三

微叁纖肆塵捌渺捌漢

原馬夫貳拾肆名每年支銀貳百伍拾玖兩貳錢

內貳次奉裁馬夫拾名又奉

題免荒銀外現留馬夫拾肆名工食銀壹百伍拾

壹兩貳錢

原額損轎夫叁拾肆名每年支銀叁百陸兩內貳

次奉裁夫壹拾叁名又奉

題免荒銀外現留夫貳拾壹名工食銀柒拾玖兩

陸錢柒分捌釐玖毫壹絲壹忽陸微

稅課地稅銀貳拾捌兩

茶課銀伍拾兩玖錢壹分壹釐叁毫柒絲舊附里長經催

課程銀壹拾兩叁錢叁分玖釐此項載由軍內

牙帖稅銀柒兩

牲畜稅銀壹拾柒兩柒分陸釐

武備夫有備無患自古記之邑置萬山之窟又係夫道之衝上通漢蜀下達荆襄明末流寇往來絡繹不絕鄰封陷沒獨邑鄉官王應泰區畫調停令村落各結寨以自衛城中設武備鼓義勇守禦有方

漢陰縣志 卷之三 聖

是以丙子歲流賊數萬晝夜攻圍並無援兵閱三月餘而全城無恙者皆王公之力也今當全盛舊日武備又遭兵逆掠毀似可不載但安不忘危不可一日不為封疆計志之以告繼守賢牧

災宋皇佑四年漢江水溢縣署漂沒攷舊治在漢江之南故也

嘉靖二十五年五月河水泛漲衝李公堤漂沒西

關房舍稻田半為沙淤萬曆十七年地震三十五

年七月初五雨雹大如鷄卵傷稼西郊稱熟所傷

嘉靖二十五年流賊劫掠鄉村出沒無常為地方

惠崇禎七年流賊二十餘萬焚掠地方漢羗遊擊
唐邊三發奇兵勝之患息八年夏秋蝗蝻有黑頭
紅身者有紅頭黑身者飛蔽天日落遍郊原食稻
粒禾葉始盡九年四月賊首闖王烏合五萬餘圍
城數重百計力攻閱三月餘厥後東北角築益敵
樓高四丈環十六丈俯瞰城中岌岌將危後用油
火破之賊走是歲夏麥被賊盡掠秋禾未布民沒
于鋒鏑飢饉疫癘者十分之五十年閏四月十六
夜半流賊約有二千餘返襲縣城焚毀者十之九

漢陰縣志

卷之三

殺傷者五分之一十一年夏大旱十四年夏大旱

禾苗盡枯順治丁亥大飢斗米柴錢甲午年五月

地震八月雨雹大如鵝卵平地深一尺穀禾惟月

豐三堰所傷尤甚康熙乙卯吳賊盤踞焚掠俱空十八年

夏大旱三月秋霪雨三月禾苗盡傷民遭大飢城

垣盡頽河水泛濫衝崩西南城角數丈損壞近城

民屋數家二十三年夏大旱至秋分方雨飢饉異

常

夫水旱盜賊之變何代無之但漂邑陷城則爲變

大矣思患豫防則高增城堞環築河堤做先制而保障是急斯恐懼修省之實也

祥明弘治三年雲門舖左有池忽生蓮仲夏盛開是年流賊不入境四年縣堂中柱產靈芝二株知縣

張大綸有詩

物產穀則麥 稻 梁 稷 黍 粟 蕎 豆

稔 芝 蔴

蔬則芥 芹 瓜 瓠 葱 蒜 韭 茄 蕨

笋 木耳 蘿蔔 萵苣 椿芽 芫荽

漢陰縣志

卷之三

七

果則桃 杏 李 梨 柿 棗 栗 石榴

白菓 櫻桃 林檎 核桃 枳橘

貨則茶 椒 紙 漆 棉 蜜 蠟 茜

麝香

木則松 栢 椿 楸 榆 桑 柳 槐

構 桐

竹則簍竹 斑竹 紫竹 水竹

藥則防已 常山 遠志 白芨 桔梗 柴胡

降香 芍藥 丹皮 厚朴 黃柏 杜仲

細辛 蒼朮 防風 茯苓 川芎 薄荷

荆芥 枳實 茱萸 五加皮 車前子 乳香

益母草 薏苡仁 石菖蒲 麥門冬 天花粉

花則桂 蓮 菊 萱 牡丹 芍藥 木槿

紫荊 鷄冠 玉簪 梔子 石竹 海棠

月季 玫瑰 芭蕉

禽則鷄 鵝 鴨 雀 鷹 鳩 鴿 鴉

鵲 燕 雁 鴿 鴿 黃鸝 鷓鴣 紅鶴

錦鷄 野鷄 杜鵑

漢陰縣志

卷之三

哭

獸則虎 豹 熊 豕 鹿 麇 豺 狼 狐

兔 猿 猴 牛 羊 猪 犬

鱗介則鯉 鯽 鱔 鱧 鱉 蟬 蜥 蜴 蛇

蠶

察撫民 王凱 永樂八年任 董衡 永樂十年任 陳輔 天順八年任

劉明 四川灌縣人 成化七年任 駱聰 河南夏邑人 成化十四年任 張大綸 四川

成都人 由舉人 成化庚子典試山西 轉漢陰令 時縣制未脩 公崇廣學舍 增修公署 疏月河 開渠堰

創縣志 邑務一新 且剔蠹旌善 維風範俗 而愛民好士之誠 發于詩文者 尤可概見 蓋不愧于古之

循良矣 陞唐希介 山西陽曲縣人 由進士 選翰林

徽州知州 庶吉授工科給事 弘治八年改漢陰令 展城池 興學校 厚風俗

民戴其德 官至按察司副使 郭亨 山西榆次人 由監生任

謝文昌 四川巴縣人 牛通 山東單縣人 由監生任

白鑿 山西陽城人 正德三年任 持身廉 丁珣 山西大

監生任 正德四年時 值流賊猖獗 人心危懼 公身任其勞 築城鑿池 措置軍餉 嚴為捍禦 之法 民乃

漢陰縣志 卷之四 二 保 吳安岳 四川江人 李壓 四川瀘州人 李林 河南

全 郊縣人 山 劉洋 吳縣人 由 何之 河南信陽人 李時

舉人任 秀 山西孟縣人 由舉人 修城築堤 志切為民 暇則

以文試士 拔其尤者 厚禮之 調繁興 與平人 多念之

王瓚 鳳陽府人 周霖 四川琪縣人 楊維 雲南徵

由舉人 許仝 河南靈寶人 由監生任 孫軫 山西石州人

人任 羅元 四川南充人 方鯨 河南祥符人 徐世恭 雲南

由舉人 李居仁 山東東昌府濮 高昂 四川松潘人 由

人任 劉一惇 四川榮 俞鯤 雲南人 由 石侶 四川閬中人

蘇洲 山西偏頭關 文簡 湖廣衡陽人 傅作舟 湖廣

人由進 李崇惠 山西長治人 王明揚 四川閬中人
士任 由監生任

陳琨 四川丹稜人 袁一翰 曲周人 由舉人任 別學
校躬行化導 陸隴州 李葉春 山西徐溝人 李宇 河南

知州士民至今稱之 杞縣人 由舉人任 持身廉潔 嘔笑不苟 思威金著
申罷 站役改折 站銀凡可以為民請命者 亟力擔

當行之 觀西郊去思碑 見 朱遠 雲南中衛人 劉懷
甘棠之遺 焉入名宦祠

德 四川涪州人 周之光 湖廣湘潭人 陳憲 東安人 由
由選貢任

李懋楚 福建安溪人 史評 山西忻州人 由舉人任
躬清慎嚴取 李植 山西曲沃人 由選貢

役加惠窮黎 李植 任秉性淳樸 有循吏風 張啓蒙
霸州人 由舉人任 居寬崇簡 得為政體 調停差徭

務從輕省 修尊經閣 文昌官魁 星樓八蜡廟 築河
漢陰縣志 卷之四 三

堤造城門橋 歷任五年 王栢 香河人 由 李時禎 貴
陞西寧通判 士民誦之

平越備人 由舉人任 清廉慈 韓文曜 松潘人 由選
愛以忤當事 被謫 輿論惜之

孔貞祚 曲阜人 由 張鵬翱 臨城人 由選貢任 崇禎
民散 公恢復縣治 招集

流離 善緝竊盜 一時賴之

國朝 馬朱麟 山東人 由選貢 順治初年任 公直居心 政
楊六德 鹿邑人 由進士任 愛士課 申鼎 大原人
文 一時鼓舞者 稱多人焉

李茂春 遵化人 由 鄰詔 遼東 湯應武 宣府龍門衛
舉人任

漢陰 性慈和平 易儉素不事 繁苛 凡判案 皆當訊
立就刑 杖截去 竹頭 僅論 一載 辭官 歸里有靖

節之風 焉邑民為立 陳翰廷 瑞州府人 由選貢任
去思碑於東郊道傍

王詩文 嘉興 課士

祁正烜 安州人由教諭轉漢陰令 張承瓚 遼東人 吳佳胤 由思府

孫治 良鄉人 黃珩 合肥人

趙世震 遼東人現任其政治例不自書

主簿明張文 浙川縣人由吏員任 賈端 安邑縣人由監生任 沈忠 曹州人由吏員任

閆綱 大寧縣人由監生任 崔經 屯留縣人由監生任 索紀 武陟縣人由吏員任

岳浩 閩中人 劉璧 簡州人 白應舉 陽城縣人 余學遠 辰溪縣人由監生任

高塗 長子縣人由思貢任 廖文英 閩中縣人由監生任 劉珠 深州人由監生任

馬克儉 曲沃縣人由吏員任 武龍 太原府人由監生任 學鎮 宣府人由監生任

張于岐 曲沃縣人由監生任 馬潭 安州人由監生任 周邦憲 安義縣人由監生任

漢陰縣志 卷之四

生蘇守崙 餘姚縣人 洪一元 繁昌縣人 張良器 江西餘干縣人 張良

能 寧陵縣人由監生任 胡廷獻 上元縣人 黎元哲 貴州人 宋吾煥 徽州人

閆三德 文安縣人 項有能 天台縣人 盧仕俊 瓊山縣人 林斯茂 餘姚縣人

國朝葛三才

典史明徐鐸 成化元年鄭瑛 成化五年朱麟 雅州人 夏澄

巴縣 羅嚮 綿竹縣人 李順 廣平府人 董正邦 富順縣人 趙珩 平原縣人

楊本全 宜賓縣人 尹嘉謨 四川人 郭昭陽 遂寧縣人 蒲汝彬 保州人

敖僖 江陵縣人 熊拱 仁壽縣人 劉廷浩 大同縣人 劉思 內江縣人 衛瞻

江夏縣人 陳國用 濟南府人 陳金寶 萬縣人 邢啓誠 當塗縣人 余孝

鄧都人 周允京 襄陽縣人 杜渭 靈寶縣人 李守祚 臨縣人 杜天瑞

仁壽縣人 何子達 西充縣人 黃文顯 景陵縣人 曾守 麻城縣人 官應聘

威遠縣人 馬元圖 漂陽縣人 潘應順 餘姚縣人 官應桂 威遠縣人 陸應

兆 安寧縣人 劉祖教 濟源縣人 楊春煦 孝感縣人 曾可縉 永州府人

潘燠 山陰縣人 于省然 懷慶府人 樊君相 孝義縣人 李如杞 靈石縣人

周命新 餘姚縣人 宋棟 汾陽縣人 婁思忠 通州人 賞廷 紹興人 萬鵬

國朝李綻玉 貴州人 何章 紹興人 王達 北直人 程 北直人 王廷繡 北平人

教諭明梁萼 江西臨川縣人 由歲貢博學鉅儒 作五經類題等書 有直趣與詩文 金行于世

漢陰縣志 卷之四 五

明宣廟大學士楊士奇 薦赴史館 纂脩成祖仁宗實錄 居史館五年 轉教授齊倫 李華 咸出其門

邵瑾 山西人 徐信 四川中衛人 劉閣 閩中人 余志立 四川樂至縣人

勤于教誨 諸生慕之 余俊 大昌縣人 張志寧 直隸定州人 由歲貢任克修 孝行敦禮 罔愆

愆教 育有方 人知向學 諸生婚喪 不張倫 南陽縣人

能舉者 以義助之 古君子 不是過焉 張崇業 陝州人

鄭良貴 成都縣人 牛杲 寶豐縣人 郭朝用 成都縣人 張崇業 陝州人

江瑞 鄖縣人 尹就湯 閩鄉縣人 李拱 儀隴縣人 黎一正 長壽縣人

歐梅 廣安州人 由舉人任 王博 重慶府人 梁模 夔州府人 張缺 河陰縣人

楊正心 四川人 胡叔寓 咸寧縣人 由舉人任 計之遠 岳池縣人 劉學

孟 咸陽縣人 由舉人任 羅國秀 峨眉縣人 任惠 四川南

由舉人任李挺長安縣人張峩三水縣人張察蠡縣人趙楷堂邑縣人

梁來儀岐山縣人柳汝楠榆林衛人栢可用沔縣人秦棟文縣人

傅倫南鄭縣人孫禎靈州人趙國禎貴州赤水衛人周九成

商州人孟宗孔階州人崇禎八年城陷死節奉旨贈國子監助教入名宦鄉賢祠

國朝任名著商州人宋宗郊耀州人長厚樸薛侯三原人

劉唐環涇陽人持躬儉素導士功勤

訓導明鄭守方洪武五年彭昇梁山縣人范倫四川巴

王伯宣四川温江縣人陳策遂寧縣人王廷臣四川

富順縣人李英四川簡州人張翼鵬四川眉州人博學善教

漢陰縣志卷之四

有遺思焉魯冠四川彭縣人王勸四川彰明縣人趙時敏湖廣房縣人

周鳳四川茂州人郭豸湖廣宜城人張心傳四川漢州人王榮四川

綿州人劉嘉文四川南部縣人蕭音四川榮昌縣人汪貞吉河南彰德衛人

孫承祖同州人王曰然府谷縣人郭光裕徽州人李震東四川

綿州人段行可畧陽人井九仞米脂人喬瑀同州人劉祖謙

綏德人周希旦商州人

國朝賀海壽兩當人白爾珍平涼府固原人

夫一邑之內政教攸關令以治之師以範之尉以贊之皆分猷而樹軌者也故姓氏列焉爵里表焉

揚芬述穢而勸戒參焉清議難掩直道尚存顧名

思義者念之

名宦漢今主義

史稱其行誼之高李思之篤 唐李康

唐李康以維風式俗事見前今下

明劉亨 唐希介 丁珣 袁一翰 萬曆時

李學 張啓榮 萬曆時以上

教諭孟宗孔

崇禎十年城陷死節奉 青 歸贈國子監助教祀名宦解贊嗣給一子衣巾

言今所稱名宦蓋甚重矣事久論定斯表于世而

特記焉故惟功垂社稷澤被生民者始表其輝手無

卷之四

窮漢已名宦昔有功德手邑者無刻祀與刻建後

輝與且生光矣是在當事者之開揚云

漢陰縣志卷之五

人物

夫人才關乎氣運地靈人傑自昔言之故山石之
闢而草木芳洲有珠璣而鱗介媚地有賢哲而人
類庶邑中岡巒列秀脉連太乙終南又漢水發源
嶠岷山下濛迴曲折極三千里注瀉之勢朝宗于
海語地則稱靈已士生其間涵濡道化追踪高風
之人文其濟

興朝之事業斌斌蔚起霞變雲蒸斯無負

漢陰縣志 卷之五

國家鄉舉里選之法矣獲往古及近代其姓名齒屣例

得脩錄以下後

鄉賢周丈人

不詳其姓名以其生于周故稱爲周丈人云抱壙淮山守樸凝神屏絕机心机

事子貢南遊于楚過漢陰遇灌田告以桔槔丈人嫌其多机事見莊子南華外篇今城東北有灌田

相傳至今其遺跡也入鄉賢祠南北朝李遷哲 先世爲山西豪族慷慨善謀書畫

親本鄉部曲撫馭群下其得其情周末時以其信

著山南命同經畧遷古遂平寇亂巴濮之人相繼

欽附授侍中直隋李襲志 仕爲安康丞蕭統休士

與立民編素三日雖流離猶不廢君臣之禮固

一年力窮寡援爲跣所喻出郡志

劉瑄 弘治年貢 王綸 林縣知縣 蕭鳳岐 貴州長官 鄒魁 建昌衛吏目

吳彬 四川石泉縣訓導 門顯 輝縣丞 侯佐 棋縣教諭 馮璉 弘治年貢

任景賜 弘治年貢 常佐 蒙城縣訓導 楊錦 饒陽訓導 劉緒 正德年貢

王經 義隴縣訓導 吳瑄 武縣主簿 天性直介 居鄉 蒞官不苟 取與鄉評 重之

吳璜 正德年貢 任文臣 山西潞州河南裕州吏目 景賜子 余傑 昭化縣主簿

陳鶴 永寧縣丞 陞延津知縣 公六歲即通文藝 有 善政 士有貧乏者 分俸周之

居鄉亦然 王相 嘉靖年貢 郭文 新城知縣 調任 劉大邦 高平縣丞

駱未聰 解州判官 陞沁州同知 蜀府審理 公少穎 異 居鄉有文學之名 居官有循良之譽 子

四人皆訓成 黃銘 齊河主簿 胡伯墳 解州訓導 陞沁源 遠邇敬愛之

漢陰縣志 卷之五 十 授伍元 四川長寧知縣 干珪 高平縣主簿 鄭慶 嘉靖年貢 魏厚 完縣訓導

彭汝約 曲沃訓導 王易漸 新津訓導 張基 嘉靖年貢 白珠 雲南麗江府經歷

王大賓 漢州判官 蒞官清苦 居鄉 于志崑 鄆陵縣主簿

溫世鳳 蒼溪主簿 高宗仁 裕州吏目 駱道 貴州銅仁府經歷 未聰子 劉萬

榮威州訓導 劉珮 任雲南中衛知事 陞山西榮河知縣 公所難及者 鄉 王曰諫 昌黎縣訓導 陞 王宗元 棲

黨咸推重之 劉寵 含山縣訓導 胡從夏 巴州訓導 公少穎 異 負 導 劉寵 含山縣訓導

遺洞悉 春古與仕為學 博士 郭曰環 內江訓導 翁然宗之 鄉飲大賓 問黨敬服 郭曰環 陞文水教授

論涇州學 正博學能 趙鶴 東鄉訓導 陞肅府教授 詩有 效 輦集傳於邑

貧乏者捐貲賑之蒼顏懷赤子之
心清議爾金玉之品鄉飲正賓
溫誥 魏縣丞三世

白尚賓 隆慶年貢 白崇 汝州訓導陸
劉仕信 隆慶年貢 任邦

趙城訓導陸 駱達 萬曆年貢 王大治 長子縣
縣丞

解應科 芮城訓導陸 韓城 鄆誥 開州同知 楊汝舟

階州訓導陸 綏德州學正 秦府教授 訓宗室 放親

王以禮 法自持 致仕 鄉飲 正賓 壽八十六歲 卒

周士相 山西壽陽訓導 殷琛 乾州訓導 陸澄 城教

王用恩 直隸豐潤 郭用善 晉州訓導 補白 王養民

選貢 崑山縣丞 陸湖 郭一鳴 授直隸 香河縣 張雲

廣醴陵知縣 大賓孫 郭一鳴 訓導 親老 未仕 任補 浙江

鴻 寶鷄縣訓導 補景陵縣訓導 陸固 原 任補 浙江

漢陰縣志 卷之五 士

府經 梁達材 萬曆年貢 程大治 思貢 四川 江 張四端 南

及縣訓導 補 葛應鳳 河南 陽武縣 訓導 任養性 萬

北直 東明縣 年貢 劉東浩 萬曆年貢 曾士弘 江西 吉水

年貢 李如栢 萬曆年貢 藍志臯 萬曆年貢 茹上珍 萬曆年貢 廖從化 任浙江 仙

階州 學正 藍志臯 萬曆年貢 茹上珍 萬曆年貢 廖從化 任浙江 仙

殷逢世 選貢 湖廣 景陵縣 丞 陸 泗川 慶符 縣 知縣

賈見文 安 陳光啓 選貢 河南 光州 州判 陸 彰 德 衛

去思碑 陳光啓 經歷 步趨 不苟 行範 一鄉

杜璜 山西 絳縣 訓導 陸 維 南 縣 教 諭 劉 登 名 天 啟

王位 天啟年貢 考授 縣丞 以子 陳懋 郭之

禧 選貢 考授 縣丞 以子 陳懋 郭之

張四目 考授 解三泰 四川 劍州 訓

著鄉閭門 多文士 馮堯岳 崇禎年貢 藍旒 崇禎年貢 楊立程 崇禎年貢

王懷民 崇禎年貢 魏希徵 崇禎年貢 王弘緒 崇禎年貢

國朝劉有瑜 順治二年恩貢 胡開先 順治二年拔貢 永年 王身

饒 順治二年貢 劉瑞星 教諭 陞河南扶溝知縣 梁州俊

任閩郡 溫永禧 恩貢 考授知縣 未仕 王之禎 初任

縣丞 溫永禧 嘽笑不苟 步趨莊嚴 王之禎 臨潼

訓導後 會可行 西安府教諭 致仕 歸里居 心誠朴

鄭聖時 甲午拔貢 厚重 著學平易 近人鄉評推重

何源 順治年貢 張星瑞 順治年貢 王世泰 康熙恩貢 劉瑞雲

考授訓導 鄉居 任之奇 紫陽籍 任 會冠賢 康熙年貢 溫柔

敦厚士 多宗焉 李啓瑞 考授訓導 常永耀 考授訓導 于典 壬子

考授縣丞 茹大粹 康熙年貢 汪澤延 顯宗孫 尹任 考授訓導

文選孫 劉新德 考授訓導 負性 王鳳朝 乙丑拔貢 曾慶堯

考授訓導 會大成 考授訓導

例監明王寵 正德 任學 嘉靖 沈從儒 嘉靖 郭日桂

劉濤 伍雲鳳 嘉靖元子 郭洋 嘉靖寺序 班陸四

劉希曾 郭一聰 荊州府經歷 補 侯國卿 侯一

心 藍作青 王應鼎 于瑤 荊州府民 安驛驛丞

武明馬致遠 癸酉武舉 藍文蔚 湖廣軍門 茹綸光 督標遊擊 由學序

范樞秦 總督宣大軍 門標都司

孝明黨汝孝 同父黨進朝早出刈麥父為虎噬汝孝奮力奪父于虎口虎蹲視大吼有復噬

勢汝孝愈奮以石擊之虎遁去負父歸治啞痕閱三月無恙邑人胡伯填為之傳曰汝孝可謂不愧其名矣大書虎口

劉夢龍 榮河公之冢嗣賦性純全父四字贈之 孝父病龍寢不解衣親嘗湯藥父卒哀毀幾傷生以禮塋結廬墓側歷三年值寒暑無少變更事聞上司皆給扁以旌之

楊登 蒲溪人有孝行二親有疾乃禱太山神前許病痊登遂登賃修橋以濟行人漢中太守項公二守李公過此橋深嘉其孝題其橋曰保親橋各贈以詩歌見茶園

葛希旦 丁丑城 附負母 汪毓瑾 城附 附負母 溝口碑記中

義明藍盛 輕財好施正德四年大稜盛捐粟百石袁弼以濟邑民本縣丁公嘉其義延為鄉賓

漢陰縣志 卷之五 三 壽九十 郭濟 業農積善萬曆十一年延安飢民流離入漢道路相望濟白于縣出穀一

九卒 百五十石方賑時民就濟家谷濟視樛腹惻然作粥令飽復出谷二十石請與安事聞上司給冠帶榮

李棟材 天性醇篤好施與邑東紅崖下河值之 公題曰善人橋更為作記勒 侯進孝 萬曆十三年石當路旌其門曰一鄉善士 重修邑誌孝

捐金梓之考其素行輕財好義施棺百副助葬輸粟百石賑飢又建東西橋梁鄉評推重本縣申請

冠帶 任道克 事親克敦孝道教子曲盡義方清議旌獎 推重本縣李公核其實跡申請旌表

云齒德兼隆 吳自強 曾遊黌序守義其貧萬曆三宜敦請鄉賓 十四年七月十七日暮夜拾

金拾兩秘不語人次日有稅頭徐登第曰失金自縊將死強得其實即以金還之本縣李公嘉其行

申請詳允給尚義二 溫以良 家貧守義素以善稱字花幣懷獎孫

萬曆四十五年七月

初六日入原公祠隙地拾一遺囊出候失主少頃
問池歸民藍作馨求金狀甚迫即欣然還之開囊
乃黃金壹兩白金伍兩馨願分半汪顯宗好善喜
良不受問里高其行公舉為義民隆冬結綿襖辦裹脚
以衣孤貧澤延祖

國朝尹樂舜

謹慎居心義方訓子而梓情尤厚邑有婚
喪金觀光上國者輒助之翻否非所計

也年過古稀公舉鄉賓邑令湯公首表其
門曰齒德咸尊厥後當事者屢加旌獎
曰康熙五年為培壑荒縣東北隅有寺基金科以
稅該貳拾金僧甚苦之地有古栢一根四株縱橫
氣象儼若兄弟第此安陽古喬本也僧奉吏鬻栢辦
稅義老未有知夜夢兄弟四人衣青衣至榻前大
呼曰速救我老驚晤曰此異夢也越翌日遊東郭
望見栢下叢集十數人各持斧伐栢及詳視之如
夢中所見四人請訊伐故僧以顛末告老曰慎無
伐予願捐金留栢歸出市宅三間如約納于公塲

漢陰縣志

卷之五

南

呼此不忍于栢彼何忍于民耶嗚呼
耆老且知好義士君子可無名行耶

鄉飲賓介明楊廷臣

解濟

常自省

幼好學萬曆
年曾白衣應

試歸里課耕忠厚傳家和平處世
孝友嫻睦風著鄉曲壽九十三歲

陳光煥

溫以果

鄭康裔

聖時
叔祖

于文選

禔躬淑慎兼
能詩文典祖

國朝溫永昇

楊

訊

品高
月旦

梁國彥

卽救栢義老當事
旌曰品堪憲乞

劉有鼎

張

猷

梁

璽

情深手足
義重友朋

王應和

孟思賢

陳懋科

茹可魁

壽九十
六粹父

李成龍

李人龍

楊毓元

孟養氣

解三榮

李自新

王施德

鄆

燧

沈自通

夏

善人

張四配

劉甲聲

徐永泰

李興榮

節烈明黃氏

陳必琦妻嘉靖年必琦病篤氏哭許同

續召族人至推家貲散之以以跌斷門誓不飲食十

二日氣絕從容就義聲動鄉閭萬曆間巡按沈表

奏建貞常氏處士温閨妻正德末年同舍謝姓因

烈坊去氏如園得之秘不告人翌日早謝酒醒索金

不獲將為自盡計氏急取還之封識如故謝感之

拜為義母時季子世雄尚未婚謝以戚宋氏之女

成之生子訓登仕籍人以為常之報也章丘太常

鄉李公開先楊氏夫任礮卒氏二十六歲遺子道

作還金傳孤教子遊泮孀居四十餘温氏夫魏鳳儀卒氏二

年旌其門曰振古名節白氏夫温以恭卒氏二十

廿貧持節三十餘載如白氏三歲孀居孤苦奉姑

一日也旌其門曰貞節

漢陰縣志

卷之五

十五

極得懽心育子士氏生員曾武妻武卒氏二十四

承業三十餘年陳氏廩生張世華妻華卒氏二十七歲苦

陳氏節四十七年廿貧教子育養成名王氏夫

仕信卒氏守白氏生員王一鳳妻鳳卒氏年二十

節四十年四歲孝舅姑撫孤子苦節五十年

王氏生員閔進孝妻卒氏二十五歲吳氏廩生

元妻元卒氏二十四歲姑老家貧子方襁褓氏竭

力事姑糟糠自甘者二十餘年課子藍旄成名申

請當事旌其門黎氏廩生解鶴妻鶴卒氏二十三

日軻毋遺貞歲姑老家貧子方襁褓氏盡

心事姑歷一十六載艱辛萬狀教子苦志閱二十

餘年撫恤多端後姑倚以有終子三泰成名申請

院道旌駱氏夫孟學頰卒氏二十七歲苦志守節

表其門駱氏夫孟學頰卒氏二十七歲苦志守節

陳氏夫藍習卒子幼氏勤紡織誓節終身及子登

庫序詳申當事旌其門

王氏

業儒胡文煒妻煒卒氏年二十歲枕尸泣血不食母嫂勸慰志卒不變百日致奠盡哀成

禮明晨服始嫁衣密縫于身縊于樞旁本縣詳由撫批志烈殉夫身能死節實兼乾坤淑氣永流漢

汜芳聲 按批鷄鳴助警鸞鏡偶分泉石可隨心已堅于同穴蕞孤有誌志遂決于自縊珠沉轉見

其先綸褒庶傳其烈坊 陳氏 廩生藍敏妻敏率氏年萬曆年勅建貞烈坊 二十四歲杜門勵志守

節教子三十餘年四子俱入庠序宗族鄉党 李氏 俱推重焉本縣詳申旌其門曰節凜冰霜

義官劉大論妻論率氏年二十七歲貧甘苦藿若勵孤闈守節四十餘年本縣詳請給匾以旌其門

趙氏 義民藍煥妻矢志心守節教子 高氏 生員任其門有方旌其門曰節倅金石 伊妻堅志

苦節和熊勵子旌 尹氏 貢士茹上珍妻珍卒遺子其門曰雁婦麟嗣 茹誠方七歲氏痛夫苦守

教子成名院道旌其門曰茹藥至丁丑 蔡氏 義民城陷賊拉媳去氏挽之不得自刎死 陳光

漢陰縣志

卷之五

六

耀妻幼年霜苦守節教子 經歷陳光啓妻王氏 而國典成名旌曰矢志栢舟 經歷陳光啓妻王氏

有色丁丑城陷 郭氏 廩生楊天培妻城 鄭氏 王道恐被辱自刎死 陷被亦於東門外 鄭氏 直妻

城陷抱女 投井死 鄭氏 生員藍旒妻夫與嫡妻城陷被害氏負嫡遺

國朝

鄭氏 子名立奔難流離萬狀家計奇艱氏撫若已出挑野菜自充勤織紡教子得入黌序 趙氏 廩生

苦節四十餘年本縣旌曰水節霜操 趙氏 廩生馨妻馨卒遺子建春方五歲氏志堅金石以守孤

兒兼時值擾攘有欲乘亂逼者率不能犯且治家有法僮僕田舍皆能保全 張氏 夫曾述志故氏年

及子遊泮旌曰栢舟比節 張氏 二十八子教習儒業本縣旌 胡氏 廩生陳國典妻典率氏年二十

日水節可風 胡氏 九歲子陳鑑年方十歲氏苦守撫養教子成名 溫氏 業儒郭祚遠妻遠卒無子撫旌曰誓志無他 溫氏 侄守節旌曰貞操可風

汪氏 夏之相妻相率氏年二十五歲公如伯母老而在堂養生送死俱類焉

仙釋張伯端 字平叔別號紫陽道人修真于漢江南

年後超昇去悟真篇即其遺書也正德八年分此地為紫陽縣今有遺址石臺高丈餘四面平坦五

六尺許上有圍標形跡羽士呂巖 字洞賓別號純

鍾太鸞募工闢鑿如前所云 黃龍機禪師說法師知其仙也詰曰座下何人答

曰雲水道人師曰雲盡水乾時何如洞賓不能答

師復語曰黃龍出現洞賓留有詩云棄却瓢囊擊碎琴如今不戀末中金自從一見黃龍後始悔從

前錯用心 雲門偃禪師 參禪於雲門山寺作有北出傳燈錄 邨行一篇傳于世狀元焦

國朝蓮花寺僧寂蓮

童年好禪冬夏赤脚遊無晝夜臥無籬籬關荒自食不喜募緣康熙

漢陰縣志 卷之五

七

二十五年積柴堆壘高一丈八尺與徒眾約言手

次年二月二日燃柴化形至期果逍遙赴坐紫頂

導火自焚觀者于火焰中見五色光芒時年四十

五歲先時僧云吾化後夜半有鼓聲將曉有微雨

後悉如所言方人修以

僧龕志之曰赤脚禪師

漢陰縣志卷之六

藝文

夫驚塵逝電之迹莫能留也託之篇章者後世猶將考信焉漢陰彈丸小邑僻處山隅而文獻幸有可徵今據拾故老傳聞并搜剔斷碑殘簡得詩文若干附載於後庶幾存什一于千百俾夫巡行者備觀風之採游涉者興吊古之思云爾

詩 登安陽城樓

唐孟浩然

縣城南面漢江流江嶂開成南雍州才子乘春來

漢陰縣志

卷之六

六

騁望群公暇日坐銷憂樓臺曉映青山郭羅綺晴嬌綠水洲向夕波搖明月動更疑神女弄珠遊

過昭烈廟

明何景明

提學副使

漂泊依劉計間關入蜀身中原無社稷亂世有君臣峽路元通楚岷江不向秦空山一祠宇寂寞翠

華春

雙乳山

陳

裴

刑部郎中

山頭原是望夫身乳化雙峯狀亦真赤子方今饑渴甚願流百道哺吾民

漢陰感抱甕漫成

傅振商

廵茶御史

抱甕羞機事，樸心托古瓦。桔槔溘深機，善抱不輕捨。誰知衆任機，孤甕名可假。拙入自巧出，白馬寧非馬。卽如所抱甕，元氣能陶冶。天地出入機，渾沌全傾瀉。無機世網縲，徑臻淪荒野。正用足網維，曾鰲奇含雅。我欲扣元關，誰是忘機者。

霧中望鳳凰山

無人抱甕水潺湲，吟漱猶教機事閒。數載遊僊饒有興，夢中行盡鳳凰山。

漢陰縣志

卷之六

九

月河觀運水筒車

陳 棐

筒車之制，用竹二丈四尺者，二十四根，中橫水軸，以竹爲輻，分軸兩肩穿入，而交其末爲輪狀。每一竹末縛一竹筒，每筒後加以竹芭，乃豎木安此車於引水急流渠上下邊，插入水面，水激竹芭，則車自轉動。車上邊筒傍高架木槽，接水入田間。每一車灌田一頃，不煩人力，可奪天巧。此制不見於他，而見於漢陰。其子貢之遺智，耶使火人見之，尤必忿然而去也。因書一絕，桔槔尤用人，施力賢者已。

防機巧多抱甕丈人若見此今時比昔更如何

遊三清觀

張大綸

策馬登登日欲斜萬山深處隱仙家柴門自有雲
來鎖流水從他泛落花

宿觀音堂

山窈深中方外家柴門靜掩閱年華數椽茅屋雲
常護一曲清溪石半遮風過花香飄丈室龍來
脚遍天涯止留宿信何妨久最喜恩波及黍麻

雲門瑞蓮

漢陰縣志

卷之六

七

雲門無種產嘉蓮過客爭誇分外鮮祥瑞偶生禾
散遠太華清致盛如前朱顏猶醉凌波美翠葉呈
姿捧月娟想是休徵應有兆明時好景樂豐年

琴堂產靈芝

聖主仁慈配彼蒼靈芝特產縣中堂包含和氣非
凡卉蟠結文章異衆芳功比丹砂能辟穀名齊麟
鳳表禎祥小臣職在承流末願沛皇恩到下方

雲門漫興

樂日平沙暮色連郵亭坐久興悠然臘前其喜占

三白任後俄驚又一年面面好山森古木潺潺流水帶寒煙明時未有涓涘報空爇當年卓魯賢

鳳嶺堆螺

不向岐山引頸鳴却於漢邑作山名九苞燦爛春花放五色光華曉日升天爲舜文呈聖瑞世隆熙皞屬文明公堂掩映清無限相對令人逸興生

月河環帶

一灣流水曉涵天景物無邊清望前抱綠遶原還屈曲拖藍過縣每潺湲萬年沮洳流膏澤九夏清

漢陰縣志

卷之六

三

耳潤稻田兩岸柳陰通里巷不妨夜棹剡溪船

雙乳奇峯

亂雲堆裏擁雙峯相峙纍纍與乳同紅入錦屏花簇簇青歸煙嶂草叢叢萬年特露生成意百姓寧知鞠育功盛世忝司民社寄慙無仁政亮天工

遊乘鶴觀

邑庠蔡鳳

兀坐茅齋欲寫懷偶尋仙觀步崔嵬黃冠道士龍爲禮留我青精飯一杯

擗鼓僊臺

邑庠鄭氣揚聖時

奇雲無數繞長空信有蒼龍傍遠公路隔紅塵人
不到白猿天際喊秋風

宿雙乳

張光宇 都司

鄉夢驚回遠寺鐘曉星三五漢江東角聲吹落山
頭月酒力衝開陌上風長劔定知曾賊破捷書先
爲故人通况今聖主真湯武正許元戎策上功

謝兵後重過鳳凰山

李崑

亂雲交處碧崢嶸曾記南征此處營石磴虬蟠天
際迥鐵衣魚貫日邊明頻慙橫槊非能事却信慙

漢陰縣志

卷之六

十一

機是故情此日重經生感慨夕陽飛鴈綠蕪平

朝陽古洞

章平 蜀遂寧人

誰將茅屋架虛空便與塵凡迥不同一枕清風灑

水上數聲啼鳥半天中

書雙乳舖

無名氏

五載方回萬里身豈知蕉夢亦非真山中得去且
歸去林下無人今有人

朝

漢陰憶熊鍾陵太史

巡茶 姜圖南

楚水泰山圻漢陽晴川歷歷惱人腸乘風欲逐江
濤去黃鶴樓前話短長

將巡河西夜宿漢陰有感

斷壁頽垣月在山可憐人去玉門關封侯爲憶班
司馬月自清和山自閒

朝陽古洞

宣府湯應武

誰將瓊屑砌高岡萬丈依稀剪繡裳竹葉臨風響
日曉松花隱霧接天光江山競麗知春暖鳥雀爭
喧覺晝長讀罷卷阿思鳳德梧桐生處是朝陽

漢陰縣志

卷之六

三

湯邑侯去思吟

魏希徵

聞說循良重如公始不群清風光霽月紅日照溪
雲深谷鳴鷄犬荒城熟耜耘只緣
彤陛遠遺愛有詩文

朝陽洞

趙際昌

予鑿知何歲凭高更有樓溪深潮自落嵐遠曙長
留仙境虹橋峻禪關鹿洞幽爲尋高士跡遙擬步
丹丘

詠懷

魯可行

春雨濛濛草滿除春風吾自愛吾廬高情喜頌閒
居德老眼能抄種樹書金馬昔年貧曼倩文園今
日病相如焚香燕坐心如許一任門多長者車

城隅清玩

劉瑞星

何處煙蘿引興長青郊一曲水雲鄉密將平楚藏
嬌語漫縮跡籬透曉妝萬點蒼巖生睥睨一林好
月下滄浪天然物色饒堪賞沂水歌殘蒲袂香

乘鶴觀

。一自丹成騎鶴去春風瑤草不知年舊時宮殿皆
漢陰縣志

卷之六

雷

塵土惟有孤松生暮煙

作令難

豫章陳翰廷

戈馬中間作令難謀民何事可從寬不知誰做催
官檄不及窮簷飢與寒

鳳山疊翠

三韓趙世震

萬疊青山以鳳名高低碧樹翠煙清一天積靄來
深谷幾處飛泉掛石磴縷縷白雲峰畔卧時時華
霧嶺頭生小亭喜對南山結得仰光輝起曠情

鼓臺仙跡

山深寂寂炊煙少寺遠聲動暮鐘疊霧層巒
古跡千品萬壑列仙踪空將石鼓敲明月永設高
臺聚晚風當日僊人留異景至今遺跡伴雲峰

乳峯雙峙

崔嵬金峙兩峯奇一水中分寄所思滴滴露珠哺
子燕盈盈翠黛巖春眉雲封未許招人隱月冷猶
疑憶母慈誰謂高岡能壽世空留雙乳泣嬰兒

鶴觀暮杵

萬山煙霧碧盈盈幾處奇觀雲外生杵設峰頭迎

漢陰縣志

卷之六

三五

月色暮敲松下聽溪聲臨泉對着忘愁思倚石聯
吟樂性情仙景飄然何處去今朝野鶴守空杵

丹壁孤懸

偶步平堤望遠崧回看日色映丹從溪中春水應
無碧嶺外桃花未覺紅四野卿雲遮赤壁一輪明
月照孤峰青山一帶多奇景惟有丹崖色倍濃

月水環珠

抱城曲曲向東流漱灑珠璣一色秋幾解夜光顏
水部丘輪水鑑入芳洲奇峰列笏涵霄碧翠帶如

環到枕幽歷盡寒暄機不息須知天地亦浮漚

隱士高踪

從來高士畏芳名寂處深山任自行隨地栽花藏
素志倚欄味月隱幽情推窓但見煙雲渺就榻猶
聞鳥雀聲雖是丈人成古士至今遺跡見生平

送白廣文之樂城送考

桃花浪暖暫分襟願袖襟英半入吟携得詩瓢香
滿座敲殘松韻碧千尋猿因客到晨啼月鶴為君
行夜聽琴匹馬觀成多逸致江山魚鳥盡知音

鳳山疊翠

蘭亭陳典

凭闌鳳翥燦朝輝極目山光繞翠微碧嶂遙分青
黛合銀濤長共白雲飛驚殘古柏迎風瘦剪就輕
螺帶雨肥半榻漫嫌官舍冷開軒晝未坐忘機

丹壁孤懸

飛來赤壁是何年點點朱霞返照邊獨立豈知新
歲月高竈不改舊山川白雲懶向峰頭卧紅日偏
宜洞口還孤掌無心千古峙滄桑幾變尚巍然

漢署坐月

吟餘又見月光浮雲卧茅齋靜不流一樹梅花同
夢冷飛來香雪上簾鉤

題汪孔瀾山房

萬壑寒濤一徑斜秋雲幾片逐飛霞先生種得淵
明菊晝掩柴扉數落花

鳳山疊翠

白爾珍

層巖蒼翠聳千尋幾度青鸞入夢深風裏八音鳴
石澗谷中群鳥舞松岑今日懸碧岫桐華盛露滴崇
岡竹實陰綠滃天南誰極目吹簫羽客最關心

漢陰縣志

卷之六

七

乳峯雙峙

叱馭人懷保赤誠雙峯道上若爲明霧蒸石髓膏
常潤露接金莖氣共清天地資生原有象兒童躡
躡亦知名看來帶水襟河意不是朝雲暮雨情

卧龍盤護

彈丸阿護自年年數里平岡百雉堅恰似飛蛟蟠
雨後殊勝蹲虎窟風前珠明不惜山光暗日照還
看頭角鮮偃息茅廬人卧月呼雲伴榻共盤旋

鼓臺仙跡

仙鼓撾殘萬籟清
臺前花雨度
巖聲松濤冷
煙寒泉噴雪
色迴廊野鶴鳴
風吼猶疑留劍在
雲飛恍值煮丹
術山門相訪
空敲月却恨約
天夢未成

朝陽古洞

王廷繡

紫氣何來映碧天
憑我獨立曉風前
葵傾似欲披金鑑
笏列還思漱玉泉
銷盡寒光辭晚照
得來紅日破蒼煙
攀緣莫作朱門比
也遣白雲洞口眠

卧龍盤護

關南形勢倩誰扶
此處龍盤鳳不孤
未向江天尉

漢陰縣志

卷之六

十六

健翮權從斗邑試
雄圖常呼風雨思
千里高擁雲山作
五湖一卧北門增
保障非同老驥取
長途

丹壁孤懸

西湖汪 齡

誰染丹崖障碧流
天然圖畫望中收
攀蘿欲試登山屐
鑿翠憑凌待月樓
洞口煙霞橫古色
江頭雲樹起航謳
幾翻勒馬層坡下
拾得清光豁倦眸

乳峰雙峙

突兀高峰自送迎
豈將雙乳說傾城
眉橫曉黛無語
鬢挽青髮覺有情
雨過淡妝添翡翠
月移清

影見輕盈要知時立經千古借問當年誰命名

鳳凰山

于文選

無邊山色靄重重繡綴天然淡與濃
小雨潤來金粟細野花香處碧雲封
屏開萬幃鋪新錦目斷千村隱暮鐘
幾度揮毫描不就空留鳳翥繫朝容

入漢陰界有感

張峻蹟石邑隱士

二十年前此地過顧瞻猶是舊山河
故人次第俱蟬脫獨對西風吊薜蘿

壬寅九月余山居構亭於鉢溪武進高衆偕來

漢陰縣志

卷之六

三九

訪時清秋氣爽拉余遊為搜遺山得一岩甚

異人跡罕到故無名衆偕名焉屬予為詩以

記之

汪毓珍

高子探奇踏石巔問山山老不知年
嶽奇古怪無人到偶來其上便成眠
細鋪蒼苔為錦褥何以蓋之上有天
城郭俯瞰如蟻垤倏忽脚下湧雲煙
翠屏疊嶂周帷外瑤草奇花遍榻前
人間何處可安枕此石軒睡儘怡然
壁立乾坤已從矣至今無得而稱焉
高子大呼山靈聽我將名再為太懸

是夜夢一老吟一絕於庭曰千秋萬歲自忘年
此日逢君豈偶然寧而忘末二語一日忽躍然
曰錫我佳名全不謝分明踏破混沌天

挽友人鄭明輔

卽聖時

斯人誰信遽淪亡搔首呼蒼果渺茫賦烏衣未聞傳
誼舍記樓奚自上雲瘳鷄綿愧我乏高誼塵露何
人不斷腸寄語九原應慰甚桂蘭他日定焚黃

太懸岩和友人汪若千招隱韻

鄭聖時

蘇門長嘯響流泉曠代逸民寄野屣履地幽篁新

漢陰縣志

卷之六

辛

照月參天老樹久忘年揮毫紙上驚雲起斂酒籬
邊傍菊眠傾倒狂吟高士句價騰更貴洛陽錢

灌臺

尹任

廓外臺空徑就荒雨餘草色自芬芳當年假使
稗枯千載誰傳抱甕鄉

登鳳山絕頂

層巒聳峙挿雲邊彷彿華山頂上蓮踏破芒鞋行
欲盡也應搔首問青天

鄭列女

鄭僑恭

正氣阿誰賦吾門巾幗留名
直鐵骨風難偃水心月共
會收

梁義老金枝四栢

常永耀

誰說斯民可賤輕無知老樹也會生三千路隔群
嬰母二十金留四弟兄入夢新解網澤領囊將
結歲寒盟惟期九棘二槐報鄉里長留高義名

過鳳山

于典

曲水層巒一徑通鳳山霞氣翳長空曉雲幾處
漢陰縣志卷之六
頭卧多少新苞映遠嵩

趙父師建留雲構軒

汪澤廷

雲構名亭未是文尋思此意信誰分開意接迤東
兩日掃徑迎留遠近雲客醉春園花下語琴鳴夜
館月中閣從容屈指賢侯跡遺愛他年迥出群

送汪父母

作牧誰留去後思况逢此地更難爲三千戶口分
離日五十書生送別時邑小新傳風俗好官貧久
與世情宜可憐從此秦關去只見雲門道上碑

古蹟

枳棘縱橫古蹟迹教人何處不生悽灌園臺廢人
留窳結馴車過雨送犁丹幃雲封僧自住青山僊
去鳥空啼闔城赤子多饑渴雙乳生來面向西

夏孀婦

廿年夫棄又家貧黃嘴兒即白髮親茹蘖皆傳鄰
里口承耳未許舅姑嗔霜髮不墜留天地水帶無
塵泣鬼神聞道

朝廷崇節義吾鄉巾幗肯沉淪

漢陰縣志 卷之六

三

溫太守八公藥頌

曾聞水蘂苦親見有傳人賦重田園薄家成機杼
新更憐烽火日不作亂離身缺石心堪並霜操熟
與倫

冬日宿離塵寺有感

溫上春

山色蒼茫帶落霞突然一望感彌奢磴危扶杖蹇
僵手谷暗驚心顫闕牙幾處泉飛都似布千峯雪
滿盡堆花雲深暴足噴名利卧聽鯨音幾嘆嗟

遊龍泉庵

劉參

金碧時瞻絳節懸峻嶒飛閣聳雲邊平臨松檜遲
三島低度銀潢落九天夕照影浮琪樹月流風香
送大羅煙高丘浮井從殘蹟草色常承玉露鮮

吊節婦尹氏

仲姑

尹伸

爲憐志節泪婆娑幾度挑燈著挽歌魂魄頓隨蝶
夢散空餘孤月照煙蘿

遊勝水寺

梁道倬

逼天危磴望彌奢徒步層登闢土家爲愛幽香聊
寄足白雲深鎖澗邊花

文莊子南華外篇 子貢南遊于楚及于晉過漢陰
見一丈人方將爲圃畦鑿隧而入井抱甕而出灌
搨搨然用力甚多而見功寡子貢曰有械于此一
日浸百畦用力甚寡而見功多夫子不欲乎爲圃
者仰而視之曰奈何曰鑿木爲機後重前輕挈水
若抽數如沃湯其名爲槲爲圃者忿然作色而咲
曰吾聞之吾師有機械者必有機事有機事者必有
機心機心存于胸中則純白不備純白不備則神
生不定神生不定者道之所不載也吾非不知盆
而不爲也子貢瞞然慚俯而不對有間爲圃者曰
子奚爲者耶曰孔丘之徒也子非夫博學以擬聖
於子以盆衆獨絃哀歌以賣名聲于天下者乎汝
方將忘汝神氣墮汝形骸而庶幾乎而身之不能
治而何暇治天下乎子往矣無乏吾事

重修縣治記

明張大綸

漢陰古縣也環縣皆山其面南鳳凰一山群峯突兀
兀岡巒列峙屹凌霄漢間其下月河清流環抱支
分岐別潏潏淙淙灌溉稻田東南通吳越荆楚西
北連滇貴屬秦宋以前屬楚原隸梁州厥後屢遭
兵燹戶口消耗明初隸陝西初惟二里其居民星
散在萬山中石多土少刀耕火種兼獵獸以爲食
勤儉質直頗有古風成化庚寅歲四方流逋蜂屯
蟻聚巡撫督憲原公請於朝編籍入甄里者八其

漢陰縣志

卷之六

三

舊在版圖者今十存一二皆各省流民習尚不一
兼無厚產或有差役或罹刑憲挈家輒逝澆僞雜
處古風殆盡又况深山窮谷多潛強梁事每出于
不測亦難治之劇邑也越甲辰歲值饑饉舊縣廨
堂倉庫俱燬於回祿丙午歲孟夏大綸來官是邑
正當圯壞之秋縣廳構竹爲椽覆以蓬篲卑淺狹
隘甚失觀瞻至盛夏暑雨溽蒸官民病之遂取材
于山增廣基址民歡然趨事其正庭經始於是歲之
陽月落成於長日以間計者三弁幕廳吏房倉庫

及社學教場幾三載以次漸備廳既成高明爽愜
朴素渾堅足以改疇昔隘陋之觀凡迎止詔赦於
斯拜賀聖節於斯相處察察於斯臨民蒞政靡不
於斯蚤暮攸躋山光水色煙雲竹樹奇花幽鳥遠
近聞見於庭階之間亦一邑之偉觀也况值 聖
天子勵精圖治遐甌僻壤之民悉沾恩澤江山草
木皆有喜氣邑民出作入息耕食鑿歡熙熙然於
不識不知之天而吾堂適成予既撥其所以作堂
之由復效古人室成而歌之曰築室既成面山臨
河如竹之苞如松之柯五穀蕃熟陰陽泰和群黎
樂業在在絃歌蚤暮攸躋獲福孔多

李公去思碑

任 惠 教 諭

碑以思名志感也人情有所感而思則必托之物以志不忘而思必以碑者蓋不獨人思於心又將存之目存之目則其於心也日益固碑之設其感使然哉茲所謂碑者前漢陰侯李公也公天性方正政崇大體其所建置必係風教關名節垂永賴者則修之如新飭學宮表揚節義及墾草萊闢荒蕪之類凡見之疏請中所稱述不可殫紀一切沾煦靡虞之事厭薄不爲而獨留心民瘼也邑最苦

漢陰縣志

卷之六

三

徭役民不憚捐常業以避征繕公調停參酌定爲畫一上之當道遂爲漢南一路倡而邑人至今便之諸逋負流移者各各歸鄉里清占田以實編戶而邑戶口歲增焉公旣去而士民益思公不置謀相與尸祝之又伐石爲碑豎之道左以永厥思或謂之曰公之功在爾身爾死在爾子孫惡用是碑爲哉且碑有盡而思無已以久存者而托之速壞不亦惑乎雖然嘗聞之矣昔季叔子守襄陽會立石于峴山之巔後人有望而泣下者世傳爲峴山

墮淚碑袁叔子去今幾百歲而墮淚之名猶垂不
朽安知異日漢陰之石不與峴山碑爭烈也哉由
此言之碑亦不可已云公諱字號黃源中州杞縣
人登戊午科鄉薦筮仕青鄉已有遺思丁內艱後
補漢陰以萬曆庚寅歲至任凡四年而擢授成都
別駕去後四年而碑立焉

改修尊經閣啟一亭碑記 興安劉卿布政使

漢陰學治啟一亭原居明倫堂後基是矣第規模
稍未協矩頻年來又幾于傾頽尊經閣建自嘉靖
戊午居

文廟左旁稍次直抵儒學門內道從學門而入壁立
而峙義奚取而奚禱于文運閣建之後十數費科
寥寥無人當事者無不扼腕痛心議修議改而經
費無從輒已其事寢从寢壞其圯狀不忍側目爰
丑冬邑侯張公來蒞此土甫下車卽惻然毅然亟
漢陰縣志 卷之六 三九

于改修于視事之初而土木尙未遑也迄今五載
輕徭薄稅公之撫治漢邑者誠切邑是有起色矣
旋爲之極力補缺建文昌宮起魁樓築河堤恢拓
四門橋創立八蜡祠次第舉行若無留難者繼營
經閣于啟一亭後爲臺千尺爲閣千丈與啟一亭
之相望疊翠聯珠其一切經制總裁一心晨夕靡
力經始于是年三月迄八月告厥成焉巍然煥然
其飛采流丹直挿雲霄尊經閣也闊亮靜深壁簾
輝映者啟一亭也想公之胸中預有定畫故事

煩民不擾規制中程而功無難于立奏語曰非常
之舉黎民懼焉及臻厥成天下晏如也則今日之
修祠亭是已漢庠得所瞻仰其敬以業經一以專
經弘謨高議稱雄宇內爲臣盡忠爲子盡孝俾經
常昭揭中天萬世如一日焉是所以克副張公合
建之意吾固知漢庠後之變闕也深于其棠遠矣
是爲記

善人橋記

項思教 漢中太守

善人橋者橋爲善人所造故遂以善人名橋也萬曆二年秋余始入漢過所謂蒲溪街者見一夫作粥糜若干盂以食僕人竊怪之旣而至紅崖下道逼仄不可行又二里許復遇斷橋不可渡回默念曰彼夫哉彼夫哉何不移作粥者修此道與橋也悵然而去越明年余有事于金州復過此則橋窿然起矣道坦然平矣驚問其自人曰此作粥之夫所成也余曰於戲噫嘻世固有善人哉俄而善人

漢陰縣志

卷之六

聖

拜余于道左余下車答之拜進而獎之書一鄉善士四字旌其門於戲噫嘻世固有善人哉善人家不甚裕而輕財好施卽倒囊不吝也今橋與路之所費近百金一旦捐而去之如敝蕪然此豈小丈夫計黼黻營身家者所可同日語哉善人不讀書亦不聞道其素行暗合于君子類如此傳曰不踐迹亦不入於室信然矣余回題其橋曰善人且爲之記善人姓李氏名棟材豫章人僑寓于蒲溪街遂爲漢陰人

創修八蜡廟併堤橋記

邑人王養民

邑侯張公治漢五年百務犁然振井然舉至關大
窾會者兩一曰舉蜡祭以報神庥一曰建堤橋以
奠民居夫邑故無八蜡廟公嘆曰蜡祭起于伊耆
氏先嗇一司嗇二農三郵表啜四貓虎五坊六水
庸七昆虫八先天而開美利後天而除戎毒惠農
植稼利賴無窮第失安則安所萃精誠修祈報以
保養元元乎尋卜地于河西遮關之口而定夫基
輦石築臺高三尺許圍四十五步上則庀材構廟

漢陰縣志

卷之六

聖

計四楹巍巍燿燿允足以棲神乞靈已顧稱殷禮
與恤水患亟急先是邑城西迫于河居常清流恬
波無念也時淫雨从集萬壑俱注洶湧澎湃浸割
地以橫掃民舍之受害者劇公蒿然深以河伯作
祟爲憂輒欲修堤屏害而陳事于台司咸可之遂
募工興役鑿石爲條入砂及底乃砌深三四尺高
丈餘覆築以土寬可容並車首注龍岡尾蟠城基
勢蜿蜒示其不敢犯水怒雄濤碧虬孤立河亦不
得與堤爭地矣堤以內頗屬窳濕往來者愀如文

建立順橋一座石根磚面平而障以柱檻于是登
橋眺望見月水環繞夾左右掖若玉帶然故名其
橋曰玉帶河橋堤曰月河堤詎徒壯麗改觀抑益
保金湯于鞏固矣斯兩役也河工始于萬曆丙寅
孟冬至丁巳年季春完越戊午年夏舉廟工竣
孟秋末二工續成余覩而賀之曰舉蜡祭以報
庶修堤橋以奠民居公之爲民圖康靖者備矣
謂識機務中大窾會矣公諱啓蒙號義田北直
州人丁酉鄉進士沉毅善謀崇文而重禮寧
廟堤云乎遂志諸石尙以補缺望于後之賢者

國朝 修公署記

趙世震

甲子夏余釋褐受命漢陰令履太行之巔涉黃河之險度函谷越雲棧目擊羊腸耳聞鶴嘯不禁有鳥飛不到人彼名牽之嘆既而僕夫群相告曰漢南將至矣余遂私喜以爲此時之荒煙蔓草忽而爲轂擊肩摩矣今日之茅店鷄聲轉盼爲琴堂鶴步矣及之任仰觀破頰者僅存十餘間晝則跼蹐而居夜則懸榻以卧何異途遇之荒煙茅店始嘆前言爲夢境耳遂解囊鳩工克其舊址葺大堂二

漢陰縣志

卷之二

四

堂創三堂改頭門底三尺許東構卧月齋爲賓朋譚讌地西築雲構軒憇予公餘讀史所廊箭道百武建南北二亭爲演武托足計此外爲菜圃爲馬廐隔以重門司鑰者非白余不開四圍設垣里許內外始判然矣計以木大小千餘約以磚瓦三萬零草代瓦者六十餘間積工二千捐資五百人皆食于余而勞于彼故樂從不以爲怨由是官舍告成矣噫今之視昔聊可改觀後之視今亦猶今之視昔何至余之跼蹐而居懸榻以卧也耶是爲記

脩城自序

趙世震

余於甲子之春奉

命承乏漢陰夏六月方抵任倍嘗酷暑歷盡崎嶇是日也忽見寥寥父老拜余馬首曰此邑治也舉目縱觀一望蕭條如同瓦礫間以城垣僉指其處云逆藩變亂兵燹之餘繼以霪雨此地土鬆水濕間以砂石易於崩頽兼之邇年荒歉俗敝民貧未遑修築余不禁喟然長嘆慨想邑無城垣不惟民失憑依卽錢穀兵刑將何從利賴乎亟謀以起築之無

漢陰縣志

卷之六

聖

何一無就緒學宮草莽教化無由宣徭宇荆榛政令無由布田野荒蕪民命無由甦持籌整理徹骨焦勞偶於簿書之暇恍然有得因思欲舉廢墮須阜民財欲阜民財須闢田土于是招撫流移省給牛種三年之內民免溝壑邑有規模先與之豁荒糧免輓運剔雜派民生遂矣次與之講鐸書課文藝息爭風俗類淳矣再與之修黌宮設義學輯志書廢墮舉矣凡若此者余敢自矜奇特歟不過順天之時因地之利隨人之事爲所當爲而已然余

榜櫟庸材幸逢

聖天子教化流行

各憲加意民瘼激揚吏治余得稍展職業獲免隕越
敢不益加鼓勵獨是城垣功浩力有未勝軍民野
處虎豹克斥于心寔有未安欲請捐告助無由欲
申請動支無項未固金湯憂思成疾念 家大人爲
國推慈深悉荒殘狀傾囊遠畀余得陸續捐資壹千
陸百餘兩捐米肆百伍拾餘石鳩工運石始于丙
寅之春孟匝歲告成自此民生漸集煙火漸繁余
心滋喜因附于志此豈炫一時耳目哉余念成功
不易時事滄桑欲使後之君子鑒余苦衷仍加修
葺繭絲是戒保障永奠云爾

鳳凰山記

蘭亭陳典

蓋天下之名山無過東之岱宗西之華嶽蜀之峩峩
峭晉之五臺楚之南岳江右之廬峯浙東之天台
是也其西華東岱以及吾浙之天台余已樂遊有
日其餘雖深夢想而皆不獲一見今甲子遊陝之
關南則見安陽之鳳凰山綿亘三百里勢若游龍
卽天下之大岳似難出其右者蓋此山上有萬仞
芙蓉朵朵活潑直逼青天下有漢水紆迴淙淙泉
石極饒幽韻此亦終南一大名勝也故余時全雪

漢陰縣志

卷之六

三

菴趙使君學博白君三尹王君卧蒼崖陰枯栢憑
高遠眺但見忽聚忽散非霧迷深谷霞落孤峯乎
或遠或近非瀑落水壺雲飛鶴背乎抑或夜涼人
靜蘿月空濛非虎嘯千溪鹿僊夢覺乎且予不出
微齋坐窮泉壑俗塵不到妄想皆蠲明窓靜几誦
詩點易一日兩日試而後可以視夫詭衲狐禪卧
澗栖崖意擾情紛徒托空虛者不若此間自有真
消息也更聞在昔則有避秦逸民之所常樂也煙
霞仙子之所常至也猿鶴飛鳴之所常見也如此

名山而齊驅五嶽則又誰曰不宜抑思當日以鳳
名山者或因形勢巍峩輝呈五色以此命名者有
之或因峯巒壯麗采煥九苞以此比擬者有之或
昔岐山之鳳產于此而鳴於彼者亦有之但遠不
及攷自分淺陋何敢妄爲論斷以滋大方姍咲倘
博雅君子確有見聞不吝珠玉爲我潤筆不獨名
山生色卽咕嚕小儒亦叨厚幸多矣是爲記

丹崖洞記

蘭亭陳典

安陽邑迤東三十里許曰丹崖形如孤掌屹然天
表過轍留題不一而足余作客於斯已逾一載欲
登未果此間曲水環堤峭壁孤懸似非人跡可到
然凝眸遠望半壁有古洞者三惟臨堤一洞猶可
攀援及其二以至最上者僅懸一綫之路下視千
仞旣險旣危余雖心企有日而望之不禁色沮終
難遂其素願乙丑六月下浣之五日回江左孔君
令允上金州余同雪菴趙明府嘯園謝君鉄菴王

漢陰縣志

卷之六

四九

君追送於丹壁之下日將午矣溽暑煩襟倦人心
目趙公曰吾數人盡今日之歡避暑於最高深洞
以作逍遙遊何如余曰力怯不果而趙公賈勇先
登履險如夷咲言自若後謝君王君亦次第勉登
乃趙公嗔余不至急足而下拉余全行使君曰子
命耶予非命耶何懼之甚耶余默然無以應遂凝
神息氣振衣而上此中惶慄有不可告人言者昔
退之遊華遇險而哭良不誣矣雖然遇事逡巡非
達人也回憶客春一日順流登金山舟行江半颺

風疾作同人面如土色時余危坐中流日觀蒼淵
飄然欲僊竊以爲天下之奇觀迄今猶恍然在目
茲遊是洞清風徐來塵氛頓釋憑虛遠眺覺千峯
秀色在我襟袖不更樂乎非雪菴強爲之則余數
年胸臍安能一爲盡洗日之夕矣牛牟下山遠眺
長林煙凝霞落且歌且咏樂而忘反此昔余與方
酣而力已疲矣嗟嗟丹崖常在獨予二三子聚散
何常則予今日之遊而又不禁異日之感也不揣

固陋援筆記之

縣志後跋

丁卯菊月命延纂志新成再命申告簡末延思眉
公陳先生通鑑序云史者天地間一大帳簿也謹
步一語曰志者一方之小帳簿也小帳簿不備則
大帳簿必有缺畧者小帳簿不清則大帳簿必有
混淆者小帳簿不實則大帳簿必有疑舛無所考
而不足取信於天下後世者是小帳簿所係誠重
其責全在管帳簿者使人笑得明記得真查得確
不可好異而謬爲雌黃亦不可苟同而拾人餘唾

勿要心底明白筆底斟酌舊簿上或有滲漏處宜
爲之增補有紊亂處宜爲之清楚有倒錯處宜爲
之更正有迫於時而過乎實者宜爲之裁汰有隨
乎俗而近於陋者宜爲之潤色至於新簿分門別
類數指列眉揚其綱凡六計其目凡三十有奇始
於星野終於藝文疆域沿革建置興廢田賦蠲輸
一目了然若夫宦績宜彰鄉評堪錄如某某有其
事某事有其善次第位置不獨不忍忘媿且見直
道尙在人心間有疑信未決議論參差者儘書其

氏不敢妄註卽註全看文辭浮實事蹟重輕而藝
文一類寡聞淺見尤不能告無罪焉以望後之叅
訂者嚴加筆削因喟然嘆日記帳簿者管窺蠡測
也奚帳簿者邑之紳士也查帳簿者蘭亭扇菴陳
先生鄰石墜之張隱君也皆我

越父歸軍辭厚幣以延遠客而諄復諧誠以命吾儕
弟子員也故曰責在管帳簿者也

正澤延謹跋

